


POSNANIA
elegans Poloniae in finibus Silesiae Ciuitas.



1012
 6-

POSNANIA



VT Cracouia minoris, sic Posnania (Posen Germanis) maioris Poloniae est metropolis, illiusque æmula, quinquaginta circiter ab ea distans milliariis, sub gradu longitudinis XXXIX. latitudinis vero LII. minut. XXX. ad Vartham fluium nauigabilem & Prosnam am nem inter colles condita. Muro duplici fossaque profunda cingitur Aedes in ea pulcherrimæ, è sectis lapidibus constructæ. Arcem habet muratam, in colle editori inter Vartham & Prosnam fluuios sitam. In vltiori Varthæ ripa suburbia sunt amplissima, stagno ingenti paludibusque circumdata, quæ frequenter, vt & circumiacentes pagi Varthæ exundatione sic obruuntur, vt nonnunquam fastigia ædium ex aquis exstantia vix conspiciantur. Nec ab hoc in commodo ipsa vrbs immunis est, intra muros aliquando tam alte aqua restagnante, vt in foro & plateis passim nauigetur. Sed hoc incommodum tanto facilius ferri potest, quod paucorum, & vt plurimum, duorum tantum aut trium dierum sit. Emporium est, earum præsertim mercium quæ ex Germania importantur, frequentissimum Hic enim nundinæ ternæ quotannis celebrantur. Primæ in principio Quadragesimæ, quæ quatuor hebdomadis durant. Secundæ initium habent in profesto S. Ioannis Baptistæ, quinque durantes hebdomatis. Tertiz à profesto S. Michaelis, quæ quinque integras hebdomadas à varijs nationibus frequentantur.

Huic eidem vrbi non exiguum decus Episcopalis conciliat dignitas: quæ idem cum Christiana religione in Polonia initium habuit, vt pote à Miecislao, eo qui primus è Polonia Regibus sacro lauacro tinctus, Christianorum sacra & ritus accepit, & in regno promulgauit instituta. Tantis vero immunitatibus Episcopatus hic fruitur, vt, quoad illas pariter è passu cum Gnesnensi Archiepiscopatu incedat. Præter vacationem enim omnium laborum atque onerum, & immunitatem pensionum quæ Principibus Ducibusve debentur, vti & omnium sæculariũ iudiciorum exemptionem Vladislaus Rex, cognomento Sputator, Archiepiscopo Gnesnensi, & Episcopo Posnaniensi monetam cuedendi & venandi in syluis ac bonis suarum Ecclesiarum (quod antea nemini præter Principem licebat) potestatem fecit. Idem Crobriam quoque amplum & locupletem pagum, Sulcouam prius dictum, nunc oppidum Posnaniensi Episcopo donauit. Certe tanta fuit Posnaniensium Episcoporum olim auctoritas, vt quum Vladislaus, is qui Locticus dicitur, ob vexata Ecclesiæ bona & boni Regis partes negligentius obitas, ab Andrea Episcopo excommunicatione percussus esset, is ad se reuersus Episcopo paruerit ac satisfecerit.

In Basilica hulus vrbs quæ S. Mariæ Magdalænæ dicata, & elegati turri non exigue altitudinis ex ornata est supradictus Miecislauus primus Christianæ religionis in Polonia plantator, & eiusdem Basilicæ fundator, sepultus est. Hic Christiana religione initiatus, & vna cum proceribus quos circa se habebat, baptizatus, publico Edicto mandauit, vt omnes tam opidorum quam pagorum incolæ, tam Nobiles quam plebeij, vbi dies septima mensis Martij illuxisset, idolis omnibus passim concussis & confractis, aqua salutari itidem abluerentur, & Christianorum post hac sacra colerent atque obirent. Inde in maiori Polonia mos inualuit, vt pueri quotannis ipsa die quæ Dominicam Lætare dictam præcedit idoli cuiusdam imaginem faciant, eamque per vicos passim circumgestatam, tandem in coenum aut paludem abijciant ac mergant, statimque ex eò loco quam celerrime aufugiant.

Præter supra nominatam S. Mariæ Magdalænæ basilicam est in ipsa quoque vrbe templum & Monasterium Fratrum Ordinis Prædicatorum. Extra urbem vero Orientem versus, loco amœnissimo exstructa cernitur Ecclesia Cathedralis augusta, cui duæ turres adiunctæ sunt: ad cuius dextram est Curia Episcopalis, satis elegans; ad leuam vero sunt Collegium Lumbrantianum, Oratorium S. Michaelis & Prælatorum ædes. Ad hanc fere vsque Vallisouo suburbium, opidi æquans magnitudinem, porrigitur. Ad occidentem vero hibernum elegans templum visitur, SS. Corpori Christi dicatum, eo in loco vbi Anno 1399. Corpus Christi in specie panis ab infelici quadam muliercula sumtum; Iudæis primo venditum deinde in pratis suburbanis abiectum, insigni miraculo sese ipsum ostendit: in cuius memoriam Vladislaus Jagello Rex prædictum templum ibi loci condidit, & SS. Corpori Christi consecrauit. Ad id habitant Fratres Ordinis Carmelitarum. Est quoque ibidem Monachorum Franciscanæ familiæ qui vulgo Minores de Obseruantia dicuntur, coenobium. Ad septentriones ecclesia est Parochialis S. Martini. In fine vrbs Cerebium, & Dardianum, Vindisium, &



M III 753
 Inv. nr 2206
 ser. 2005

BIBLIOTEKA KÓRNICKA
 2206
 M-III-753